



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-50-1-25-17/04

Sarajevo: 20.1.2004.

Z A P I S N I K

Sedamnaeste radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 20.1.2004.god.

Sjednica je počela s radom u 10: 00 sati.

Sjednici su nazočni bili članovi komisije: Ilija Filipović, Tomislav Limov, Nade Radović, Boško Šiljegović i Halid Genjac. Sjednici nije bio nazočan Hilmo Neimarlija iz opravdanih razloga. Sjednicom je predsjedao predsjedatelj Komisije Ilija Filipović.

Pored članova Komisije sjednici su nazočni bili: zastupnik u Zastupničkom domu Petar Kunić, Ispred Vijeća ministara BiH, zamjenik ministra u Ministarstvu pravde BiH Niko Grubešić, pomoćnik ministra u Ministarstvu za ljudska prava i izbjeglice Mario Nenadić, pomoćnik ministra u Ministarstvu vanjske trgovine i ekonomskih odnosa BiH Reuf Hadžibegić, Dragan Podinić i Zorka Pudar – savjetnici u Ministarstvu pravde BiH, Dragica Miletić – pravobranitelj BiH, predstavnici USAID-a i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

D N E V N I R E D :

1. Usvajanje Zapisnika 16. sjednice Ustavno-pravne komisije Doma naroda;
2. Prijedlog zakona o obavještajno-sigurnosnoj agenciji BiH – predlagatelj Visoki predstavnik na osnovu Odluke br.174/03 od 17.12.2003.g.;
3. Prijedlog zakona o izmjenama i dopunama zakona o grbu BiH – predlagatelj Vijeće ministara BiH;
4. Prijedlog zakona o izmjenama i dopunama zakona o zastavi BiH – predlagatelj Vijeće ministara BiH;
5. Prijedlog zakona o izmjenama i dopunama zakona o Državnoj himni BiH – predlagatelj Vijeće ministara BiH;
6. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH – predlagatelj Zastupnički dom;
7. Prijedlog zakona o izmjenama i dopunama Zakona o Pravobraniteljstvu BiH – predlagatelj Vijeće ministara BiH;

8. Prijedlog zakona o utemeljenju Neovisnog operatora sustava za prijenosni sustav u BiH – predlagatelj Vijeće ministara BiH;
9. Prijedlog zakona o utemeljenju Kompanije za prijenos električne energije u BiH – predlagatelj Vijeće ministara BiH;
10. Tekuća pitanja.

Ad.1. Usvajanje Zapisnika 16. sjednice Ustavno-pravne komisije Doma naroda

Primjedbi na Zapisnik 16. sjednice nije bilo, te je Komisija jednoglasno prihvatila zapisnik.

Ad.2. Prijedlog zakona o obavještajno-sigurnosnoj agenciji BiH

U raspravi o ovoj tački dnevnog reda učestvovao je delegat Boško Šiljegović. Članovi Komisije Šiljegović i Radović nisu se izjašnjavali o ustavnom osnovu ovog Prijedloga zakona, budući da još nemaju, kako su naveli, stajalište Narodne skupštine Republike Srpske o prijenosu nadležnosti za ovu oblast s entiteta na državu. Komisija je većinom glasova odlučila da je Prijedlog zakona u skladu s Ustavom BiH i da se može uputiti u dalju proceduru, sukladno Poslovniku Doma naroda Parlamentarne skupštine BiH.

Ad.3.-5.

Uvodna izlaganja o Prijedlozima zakona podnio je predstavnik ovlaštenog predlagatelja Niko Grubešić, zamjenik ministra u Ministarstvu pravde BiH. Članovi Ustavno-pravne komisije Doma naroda su jednoglasno prihvatili da su podnešeni prijedlozi zakona u skladu s Ustavom BiH, da su podnešeni od ovlaštenog predlagatelja, te da se mogu uputiti u dalju parlamentarnu proceduru prema nadležnoj Komisiji.

Ad.6. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH

U ime predlagatelja Zakona članovima Komisije obratio se zastupnik u Zastupničkom domu Petar Kunić. Svi članovi Komisije su učestvovali u raspravi. Učešće u raspravi uzeo je i pomoćnik ministra u Ministarstvu za ljudska prava i izbjeglice BiH Mario Nenadić. Amandmana na predloženi tekst Zakona nije bilo. Komisija je većinom glasova, kao nadležna, prihvatila Prijedlog zakona i upućuje ga u dalju parlamentarnu proceduru prema Domu naroda.

Ad.7. Prijedlog zakona o izmjenama i dopunama Zakona o Pravobraniteljstvu BiH

Uvodno obrazloženje Prijedloga zakona podnijeli su predstavnici predlagatelja iz Ministarstva pravde BiH. Svi članovi Komisije su raspravljali o Prijedlogu zakona. Amandmane na Prijedlog zakona uložili su izaslanik Halid Genjac i Klub hrvatskih izaslanika u Domu naroda. Komisija je većinom glasova prihvatila šest amandmana koji su postali sastavni dio teksta Prijedloga zakona, kako slijedi:

Amandman I.

Članak 1. Prijedloga zakona – brisati

Amandman II.

Članak 2. Prijedloga zakona – brisati

Amandman III.

Članak 4. Prijedloga zakona – brisati

Amandman IV.

Članak 5. Prijedloga zakona – brisati

Amandman V.

U članku 7. Prijedloga zakona, stavak 2. – brisati

Amandman VI.

U članu 9. u stavu 2. i 3. brišu se riječi «pomoćnici pravobranioca», a u stavu 4. istog člana brišu se riječi «stručni saradnici»

Komisija je većinom glasova prihvatila Prijedlog zakona sa usvojenim amandmanima i kao takvog ga dostavlja Domu naroda u dalju parlamentarnu proceduru, sukladno poslovnničkim odredbama.

Ad.8. Prijedlog zakona o utemeljenju Neovisnog operatora sustava za prijenosni sustav u BiH

Uvodna izlaganja o Prijedlogu zakona podnio je pomoćnik ministra u Ministarstvu za vanjsku trgovinu i ekonomske odnose Reuf Hadžibegić, kao i predstavnici experata iz USAID-a. Svi članovi Komisije su sudjelovali u raspravi o Prijedlogu zakona. Amandmane na tekst Prijedloga zakona podnio je Klub hrvatskih izaslanika u Domu naroda. Komisija je većinom glasova prihvatila sedam amandmana koji su postali sastavni dio teksta Prijedloga zakona i kao takvog ga upućuju u dalju parlamentarnu proceduru prema Domu naroda kako slijedi:

Amandman I.

U Članku 4. stavak 2. mijenja se i glasi:

« Sjedište NOS-a je u Mostaru »

Amandman II.

U Članku 17. alineja 2. mijenja se glasi: **« Uprava »**

Amandman III.

U Članku 23. točka 3. iza riječi: « direktora » treba dodati tekst

« i na njegov prijedlog, izvršnih direktora »

Amandman IV.

U Članku 25. točka 1. na kraju teksta umjesto « točke » staviti « zarez » i dodati riječi:

« uz ravnopravnu zastupljenost konstitutivnih naroda u BiH »

U točki 2. riječi: « entitetski premijeri » zamijeniti riječima: « **vlade entiteta** »

U točki 4. riječ: « Premijer » zamijeniti riječju: « **Vlada** »

U točki 5. a),b),c) i d) riječ: « Premijer » zamijeniti riječju: « **Vlada** »

Amandman V.

Članak 31.a « UPRAVA NOS-a »

« Upravu NOS-a čine Generalni direktor i dva izvršna direktora i koji su iz različitih konstitutivnih naroda.

Odgovornost i način rada Uprave uređuje se Statutom i pravilnicima NOS-a »

Amandman VI.

U članku 32. dodaje se stavak 2. koji glasi:

« Generalni direktor i predsjednik Upravnog odbora ne mogu biti iz istog konstitutivnog naroda »

Amandman VII.

U članku 33. stavak 2. mijenja se i glasi:

« U rukovođenju i upravljanju poslovanjem NOS-a, Generalnom direktoru pomažu izvršni direktori »

Ad.9. Prijedlog zakona o utemeljenju Kompanije za prijenos električne energije u BiH

Uvodna izlaganja o Prijedlogu zakona podnio je pomoćnik ministra u Ministarstvu za vanjsku trgovinu i ekonomske odnose Reuf Hadžibegić, kao i predstavnici experata iz USAID-a. Svi članovi Komisije su sudjelovali u raspravi o Prijedlogu zakona. Amandmane na tekst Prijedloga zakona podnio je Klub hrvatskih izaslanika u Domu naroda i izaslanik Nade Radović. Komisija je većinom glasova prihvatila jedanaest amandmana koji su postali sastavni dio teksta Prijedloga zakona i kao takvog ga upućuju u dalju parlamentarnu proceduru prema Domu naroda kako slijedi:

Amandman I.

Član 2. stav 3. brisati « **Osim uz prethodno odobrenje DERK-a** »

Član 2. stav 4. brisati « **ili koje nisu vezane za prenos su sledeći** »

Član 2. stav 4.1. **iza riječi energije staviti tačku, a ostali dio teksta brisati.**

Član 2 stav 4.2. **brisati.**

Amandman II.

U Članku 3. « Definicije », nakon točke 9. dodati novi tekst točke 10. koji glasi:

« Proizvodna trafo-stanica je objekat na kojem se povećava i regulira razina napona električne energije i čini visoko naponsko postrojenje uz elektranu »

Amandman III.

U članu 5. tačka 2., u četvrtom i petom redu, tekst

« Nezavisni član Upravnog odbora odobrio za prenos » zamijeni tekstem koji glasi:

« Upravni odbori elektroprivreda u BiH uz saglasnost entitetskih vlada odobrili za prenos prema rokovima utvrđenim u ovom Zakonu »

Amandman IV.

U članu 5. tačka 4. iza riječi « energije » u četvrtom redu stavi tačka i preostali dio teksta tačke 4. briše a dopuni sljedećim tekstem:

« Mjesto razgraničenja između proizvodne kompanije i Kompanije za prenos su izlazni portali dalekovoda, odnosno vodovi preko kojih se isporučuje električna energija u prenosni sistem ».

Amandman V.

U članu 5. tački 6. dio teksta prve rečenice « sistem prenosa električne energije » izmjeni tekstem koji glasi: « **funkcionisanje elektroenergetskog sistema BiH** ».

Amandman VI.

U članku 10. u točkama 1. i 2. **brisati adrese sjedišta entiteta.**

Amandman VII.

U članku 20. točka 3. mijenja se i glasi: « **Uprava** »

Amandman VIII.

U Članku 26. iza riječi: « rukovodi » nastavak teksta treba brisati i dodati tekst koji glasi:

« Uprava koju čine Generalni direktor i dva izvršna direktora i koji su iz različitih konstitutivnih naroda.

Odgovornost i način rada Uprave uređuju sa Statutom i pravilnicima »

Amandman IX.

U Članku 27. točka e) iza riječi: « direktora » dodati riječi: « **i na njegov prijedlog izvršnih direktora** »

Amandman X.

U Članku 29. točka 1. na kraju teksta umjesto « točke » staviti « zarez » i dodati riječi:
« **uz ravnopravnu zastupljenost konstitutivnih naroda u BiH** »

točka 2. – riječi: « entitetski premijeri » zamijeniti riječima: « **vlada entiteta** »

točka 4. – riječ « Premijer » zamijeniti riječju: « **Vlada** »

točka 5, a, b, c, d. – riječ « Premijer » zamijeniti riječju « **Vlada** »

Amandman XI.

U Članku 45. dodaje se stavak 2. koji glasi:

« **Generalni direktor ne može biti iz istog konstitutivnog naroda kao i predsjednik
Upravnog odbora** »

Komisija je prihvatila preporuku predsjedatelja Komisije da član Komisije Nade Radović za sjednicu Doma naroda pripremi I Prijedlog zaključaka koji se odnose na načelne primjedbe vezano za Prijedlog zakona.

Ad.10. Tekuća pitanja

Pitanja nije bilo.

Komisija je završila sa radom u 19:00 sati.

Tajnik komisije
Dipl.iur. Aljoša Čampara v.r.

Predsjedatelj komisije
Ilija Filipović dipl.iur. - v.r.

